



ՍՈՎԵՏԱԿԱՆ ՄԻՈՒԹՅԱՆ ԵԿԵՂԵՑԻՆԵՐԻ ԵՎ
ԿՐՈՆԱԿԱՆ ՀԱՐԱՆՎԱՆՈՒԹՅՈՒՆՆԵՐԻ ՊԵՏԵՐԻ
ՀԱՆԴԻՊՈՒՄ ՄՈՍԿՎԱՅՈՒՄ

Սույն թվականի մայիսի 23-ին, Ռուս Եկեղեցու հազարամյակի տոնակատարությունների մախօրեին, Մոսկվայում տեղի ունեցավ Սովետական Միության Եկեղեցիների և կրոնական հարանվանությունների պետերի հավաք:

Այս հավաքին, հանուն Հայ Առաքելական Եկեղեցու, իր բարձր մասնակցությունը բերեց Ամենայն Հայոց Վեհափառ Հայրապետը: Նորին Արքայապետը ուղեկցում էր Աղբյուրեջանի հայոց թեմի առաջնորդ գերաշնորհ Տ. Ամսունիա եպս. Արաբաջյանը:

Վեհափառ Հայրապետը Մոսկվա ժամանեց մայիսի 22-ին:

Մայիսի 23-ին Զագորսկի Սերգիևյան Եյրորդության վանքում տեղի ունեցավ հավաքի պաշտոնական բացումը:

Նորին Արքագնություն Պիմեն Պատրիարքը ողջունեց հավաքի մասնակիցներին և շնորհակալություն հայտնեց Վեհափառ Հայրապետին և Վրաց Իլիա Բ կաթողիկոսին՝ այս հավաքը հրավիրելու մտահղացման համար: Սրբազան Պատրիարքը շեշտեց այն միտքը, որ մեր երկրում բոլոր ժողովուրդները ունեն միասնական պատմական ճակատագիր և միևնույն քաղաքական գիտակցությունը՝ անկախ նրանց կրոնական տարբերություններից: Սրբազան Պատ-

րիարքը ներկաներին պատմեց նաև Մ. Ս. Գորբաչովի հետ ունեցած հանդիպման մասին, որով նոր հեռանկարներ են բացվում Եկեղեցու գործունեության համար:

Այս ողջույնի խոսքով հանդես եկավ Ամենայն Հայոց Վեհափառ Հայրապետը: Նորին Արքայությունը նախ ողջունեց Ռուս Պրավոսլավ Եկեղեցու հազարամյակը: Նշեց, որ մոտ 10 օր առաջ Մայր Աթոռ Ս. Էջմիածնում գումարվեց Ռուս Եկեղեցու հազարամյակին նվիրված գիտական նշատաշրջան, որին մասնակցեցին նաև Ռուս և Վրաց Եկեղեցիների ներկայացուցիչները: Կարդացվեցին տասնյակ զեկուցումներ, մանավանդ հայ և ռուս ժողովուրդների ու Եկեղեցիների դարավոր հարաբերությունների մասին: Նորին Արքայությունը հատկապես ընդգծեց վերակառուցման պայմաններում գործունեության նոր հորիզոնների բացման մասին և հաստատեց, որ Եկեղեցին և հավատացյալները պետք է գործոն մասնակցություն բերեն մեր երկրի վերակառուցման և դեմոկրատացման գործընթացին: Նորին Արքայությունը անդրադարձավ նաև մայիսի վերջին Մոսկվայում կայանալիք Սովետ-Ամերիկյան Գագաթի հանդիպմանը՝ որպես կարևորագույն պատմական իրադեպ:



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԸ ՍՏՈՐԱԳՐՈՒՄ Է ՍՍՀՄ ԵԿԵՂԵԾԻՆԵՐԻ
ԵՎ ԿՐՈՆԱԿԱՆ ՀԱՐԱՆՎԱՆՈՒԹՅՈՒՆՆԵՐԻ ՊԵՏԵՐԻ ՀԱՆԴԻՊՄԱՆ ԿՈՉԸ
(23 ՄԱՅԻՍ, 1988 Թ.)



ՍՈՎԵՏԱԿԱՆ ՄԻՈՒԹՅԱՆ ԵԿԵՂԵՑԻՆԵՐԻ ԵՎ ԿՐՈՆԱԿԱՆ ՀԱՐԱՆՎԱՆՈՒԹՅՈՒՆՆԵՐԻ ՊԵՏԵՐԻ ՀԱՆԴԻՊՄԱՆ ՄԱՍՆԱԿԻՑՆԵՐԸ
ՋԱԳՈՐՍԿԻ ՍԵՐԳԻԵՎՅԱՆ ԵՐՐՈՐԻՆՈՒԹՅԱՆ ՎԱՆՔՈՒՄ (23 ՄԱՅԻՍ, 1988 Թ.)

Նորին Սուրբ Օծության խոսքից հետո հանդես եկան տարբեր Եկեղեցիների ու կրոնների ներկայացուցիչներ:

Ժողովը հատուկ կոչ ընդունեց՝ ուղղված ՄԱԿ-ի երրորդ նստաշրջանին և պետությունների ներկայացուցիչներին:

Հաջորդ օրը Վեհափառ Հայրապետը այցելեց Ս. Դանիելյան վանք՝ Ռուս Եկեղեցու ներկա կենտրոնը՝ դրտելու համար նորակառույց Վեհարանն ու վերականգնված վանքի բակը, ուր տեղադրված է 13-րդ դարի հայկական գեղեցիկ մի խաչքար, որպես նվեր Հայ Եկեղեցուց Ռուս Պրավոսլավ քույր Եկեղեցուն՝ նրա հազարամյակի առթիվ:

Վեհափառ Հայրապետը իր ուղեւում խոսքում ասաց.

«Աստուծո ուղորմությամբ հոգեկան մխիթարություն ունեցանք այցի գալու Դանիելյան պատմական վանք, որ մեր օրերին վերակառուցվեց և բարեզարդվեց սքանչելի կերպով՝ օրհնությամբը Նորին Սրբություն Պիմեն Պատրիարքի և նվիրյալ ջանքերով Տիխոն վարդապետին:

Թող Տերը հավետ անշարժ ու ծաղկյալ պահի այս սրբատեղին ի մխիթարություն ռուս հավատավոր ժողովրդին»:

Մայիսի 25-ին Նորին Ս. Օծությունը վերադարձավ Մայր Աթոռ Ս. Էջմիածին:

ԹՂԹԱԿԻՑ

